

सपने के मैं आया भोला होगी रै

सपने के मैं आया भोला होगी रै मुलाकात सुनो,
सारा ज़िकरा चाल्याँ म्हारां के के होई बात सुनो,

सपने के मैं भोले न मैं जगाया हाथ पकड़ के,
एकदम मैं भी डर गया रै फेर बैठ्याँ खाट पकड़ कै,
न्यूँ बोल्या तू मतना र डरिए बात कर बेधड़क कै,
इतणी कह क बैठ गया वो मेरी खाट कै जड़ कै
हक्रीकत तै कम ना था पल होगी थी शुरुआत सुनोँ,
सपने के मैं आया भोला होगी.....

मैं बोल्या तू कर दे नाश हो धोखबाज कसाइयाँ का,
सरेआम उरे मान घटे सै मेरी जान फौजी भाइयाँ का,
लुगाई खातिर यारी तोड़ ले के बटै इसे सनाइयाँ का,
दुनियाँ की नज़र में सही बणै दिल दुखा दे भाइयाँ का,
सारी कह मन की मन्ने था पल दो पल का साथ सुनो,
सपने के मैं आया भोला होगी रै

मैं कै बोलू हो भोले तू सारी बात जाणै सै,
किसानां का हक़ भी भोले कोन्या थोड़ ठिकाणै सै,
अंकित गुजरिया सब कुछ लिख दे जमाना आँख ताणै स
बोहोत कुछ यो रहगी मन म तू भोले फीलिंग पिछाणै स
प्रदीप जांडली पीठ के पाछै घटिया करते काट सुनो,
सपने के मैं आया भोला होगी

Source: <https://www.bharattemples.com/sapne-ke-main-aya-bhola-hogi-re/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>